



Broj: UP1:01-50-2-1578-2/23  
Sarajevo, 19.04.2023. godine

Na osnovu člana 14. stav (2) Zakona o slobodi pristupa informacijama u Bosni i Hercegovini („Službeni glasnik BiH“, br. 28/00, 45/06, 102/09, 62/11 i 100/13), a u vezi sa članom 193. Zakona o upravnom postupku („Službeni glasnik BiH“, br. 29/02, 12/04, 88/07, 93/09, 41/13 i 53/16), rješavajući po zahtjevu pravnog lica Autoprevoz - bus d. o. o. Mostar za slobodu pristupa informacijama od 6. 4. 2023. godine, šefica Kabineta - savjetnica ministra komunikacija i prometa Bosne i Hercegovine, po ovlaštenju ministra komunikacija i prometa Bosne i Hercegovine broj 04-07-2-371/23 od 9. 2. 2023. godine, donosi

### **RJEŠENJE** **o slobodi pristupa informacijama**

- 1) Pravnom licu Autoprevoz - bus d. o. o. Mostar odobrava se pristup informacijama po zahtjevu od 6. 4. 2023. godine.
- 2) Podnositelju zahtjeva iz tačke 1) dispozitiva dostavlja se fotokopija tražene dokumentacije, u skladu sa ovim rješenjem.

### **O b r a z l o ž e n j e**

Dana 4. 4. 2023. godine Ministarstvu komunikacija i prometa Bosne i Hercegovine (u daljnjem tekstu: Ministarstvo) zahtjevom za slobodu pristupa informacijama, u skladu sa odredbama Zakona o slobodi pristupa informacijama u Bosni i Hercegovini („Službeni glasnik BiH“, br. 28/02, 45/06, 102/09, 62/11 i 100/13, u daljnjem tekstu: Zakon), obratilo se pravno lice Autoprevoz - bus d. o. o. Mostar.

U zahtjevu je navedeno da se traži pristup informacijama, odnosno dostava sljedeće informacije: *1. Na službenoj stranici Ministarstva komunikacija i prometa evidentirano je da prijevoznik Globtour Međugorje ima 74 reda vožnje u transportnim dozvolama na međunarodnim i međuentitetskim redovima vožnje. Molim da nam omogućite pristup svim dozvolama koje u svom redu vožnje imaju upisanu autobusku stanicu Mostar. 2. Također Vas molimo da nam dostavite i dozvole koje možda nisu evidentirane na stranici, a navedeni*

*prijevoznik održava sa upisanom stanicom „AS“ Mostar. 3. Registrovane redove vožnje prijevoznika Globtour Međugorje u stanju mirovanja sa upisanom stanicom „AS“ Mostar.*

Podnositelj zahtjeva je 6. 4. 2023. godine putem e-maila dostavio dopunu zahtjeva tražeći da se omogući umnožavanje informacije i slanje informacija na adresu Autoprevoz - bus d. o. o. Mostar za sljedeće redove vožnje prijevoznika Globtour Međugorje: 1. Red vožnje za liniju 135-D-2 ČAPLJINA (BA) – DORTMUND (DE); 2. Red vožnje za liniju 13-MNE-3 MOSTAR (BA) – KOTOR (ME); 3. Red vožnje za liniju 108-HR-3 ČAPLJINA (BA) – ZAGREB; 4. Red vožnje za liniju 103-HR-1 ZENICA (BA) – DUBROVNIK (HR); 5. Red vožnje za liniju 373-1 MOSTAR – ISTOČNO SARAJEVO; 6. Red vožnje za liniju 370-1 NEUM – ISTOČNO SARAJEVO; 7. Red vožnje za liniju 363-1 MOSTAR – BANJA LUKA; 8. Red vožnje za liniju 33-1 MOSTAR – TREBINJE; 9. Red vožnje za liniju 315-1 MOSTAR – NEVESINJE; 10. Red vožnje za liniju 301-HR-2 SARAJEVO (BA) – SPLIT (HR); 11. Red vožnje za liniju 269-HR-1 MEĐUGORJE (BA) – ZAGBEG (HR); 12. Red vožnje za liniju 280-HR-2 ČAPLJINA (BA) – NOVA GRADIŠKA; 13. Red vožnje za liniju 267-HR-1 SARAJEVO (BA) – SPLIT (HR); 14. Red vožnje za liniju 261-HR-1 MOSTAR (BA) – ZADAR (HR); 15. Red vožnje za liniju 257-1 MOSTAR (BA) – ZADAR (HR); 16. Red vožnje za liniju 23-D-4 NEUM (BA) – DORTMUND (DE); 17. Red vožnje za liniju 214-HR-2 NEUM (BA) – ZABREB (HR); 18. Red vožnje za liniju 19-HR-3 MOSTAR (BA) – SPLIT (HR); 19. Red vožnje za liniju 18-HR-1 MOSTAR (BA) – SPLIT (HR); 20. Red vožnje za liniju 197-D-1 NEUM (BA) – HAMBURG (DE); 21. Red vožnje za liniju 172-SRB-1 MEĐUGORJE (BA) – NOVI SAD (RS); 22. Red vožnje za liniju 17-A-2 NEUM (BA) – WIEN (AT); 23. Red vožnje za liniju 44-HR-2 ČAPLJINA (BA) – SPLIT (HR); 24. Red vožnje za liniju 46-HR-2 MEĐUGORJE (BA) – ZAGREB (HR); 25. Red vožnje za liniju 47-HR-3 MEĐUGORJE (BA) – ZAGREB (HR); 26. Red vožnje za liniju 50-HR-2 STOLAC (BA) – VRGORAC (HR); 27. Red vožnje za liniju 53-HR-4 ZENICA (BA) – DUBROVNIK (HR); 28. Red vožnje za liniju 58-HR-2 NEUM (BA) – VINKOVCI (HR); 29. Red vožnje za liniju 6-TR-1 MEĐUGORJE (BA) – ISTANBUL (TR); 30. Red vožnje za liniju 7-TR-1 MEĐUGORJE (BA) – ISTANBUL (TR).

U skladu sa članom 11. Zakona, utvrđeno je da je zahtjev uredan.

Postupajući po predmetnom zahtjevu, Ministarstvo je u skladu sa članom 14. stav (1) Zakona i Vodiča o slobodi pristupa informacijama broj: 01-04-50-2-3460/12 od 28. 5. 2012. godine preduzelo sve potrebne radnje kako bi prikupilo tražene informacije i razmotrilo sve činjenice i okolnosti koje su značajne za obradu predmetnog zahtjeva. U konkretnom postupku, utvrđeno je da su ispunjeni zakonski uvjeti za odobrenje pristupa traženim informacijama.

Ministarstvo je na osnovu člana 14. stav (2) tačka b) Zakona, a u smislu člana 16. Zakona, utvrdilo da je podnositelj zahtjeva u obavezi, ukoliko se odluči za fotokopiranje tražene dokumentacije koja se sastoji od 236 stranica, platiti troškove fotokopiranja u skladu sa Odlukom Vijeća ministara Bosne i Hercegovine o troškovima umnožavanja traženih informacija u skladu sa Zakonom o slobodi pristupa informacijama u Bosni i Hercegovini („Službeni glasnik BiH“, broj 12/01) i Zakonom. Shodno navedenim propisima, za standardnu veličinu fotokopija, prvih 20 stranica se ne naplaćuje, a za svaku narednu stranicu cijena fotokopiranja iznosi 0,50 KM po stranici, a na dostavljenom dokumentu zaštićena su imena koja se mogu tretirati kao lični podatak.

Podnositelj zahtjeva je u obavezi da prije izvršene usluge fotokopiranja tražene dokumentacije ovom organu dostavi dokaz o izvršenoj uplati naknade za fotokopiranje tražene dokumentacije, što je dostavljeno putem e-maila 19. 4. 2023. godine.

U skladu sa prethodno navedenim, odlučeno je kao u dispozitivu ovoga rješenja.

**Uputstvo o pravnom lijeku:** Protiv ovog rješenja dozvoljena je žalba Žalbenom vijeću pri Vijeću ministara Bosne i Hercegovine u roku od 15 dana od dana njegovog prijema.

U slučaju da podnositelj zahtjeva nije zadovoljan postupanjem ovog organa, ima pravo obraćanja Ombudsmenu za ljudska prava Bosne i Hercegovine, Akademika Jovana Surutke 13, 78 000 Banja Luka.



**PO OVLAŠTENJU MINISTRA**  
**Sanja Škuletić-Malagić**



**Prilog:** kao u tekstu

**Dostavljeno:**

- Autoprevoz – bus d. o. o. Mostar, Trg Ivana Krndelja 4, 88 000 Mostar;
- Spis predmeta;
- a/a.